



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Specvlvm Ivventvtis, Sive Insigniores Pveritiæ Atqve  
Adolescentiae Sanctorvm**

**Bosendorf, Hermann**

**Monasterii VVestphalorvm, 1615**

Septem pueri Machabæi 1. Aug.

**urn:nbn:de:hbz:466:1-42900**

DE SEPTEM PVERIS MACHABAEIS,  
qui vna cum Matre, profide Iudaica & patrijs le-  
gibus fortiter occubuerunt. 2. Mach. 7.

1. Augusti.

**C**Vm Antiochus funesta ty rannide Jude. Cos à patrijs legibus auocatos ad gentilium superstitionem traducere cōtenderet, cōtigit septem fratres vna cum matre sua apprehensos compelli à rege edere contra fas carnes porcinas, flagris & taureis cruciatos. Vnus autem ex illis qui erat primus, sic ait. Quid quæris & quid vis discere à nobis? parati sumus mori potius, quam patrias Dei leges prauicari. Iratus itaq; rex iussit sartagines & ollas æneas succendi: quibus statim succensis, ius- fit ei qui prior fuerat locutus, amputari lin- guam: & cute capitis abstracta summas quoq; manus ac pedes ei præscindi, ceteris eius fratribus & matre inspicientibus. Et cum iam per omnia inutilis factus esset, iussit igne admoueri, & adhuc spirantem torrixi in sartagine: in qua cum diu cruciaretur, cæteri vna cum matre inuicem se hortabant mori fortiter, dicen- tes: Dominus Deus aspiciet veritatem, & con- solabitur in nobis, quemadmodum in prote- statione cantici declarauit Moyses: Et in seruis suis consolabitur. Mortuo itaq; illo primo si- mili modo sequentem deducebant ad illu- dendū: & cute capitis eius cum capillis abstra- gta, interrogabant, si manducaret prius, quam toto corpore per singula membra puniretur.

A

*Fortitudo  
animi.*

At ille patria voce: Nō faciam, inquit. Propter quod & iste, sequenti loco primi tormenta suscepit, & in ultimo spiritu constitutus: Tu quidem scelestissime, inquit, in præsenti vita nos perdis; sed Rex mundi nos pro suis defunctos legibus in æternæ vitæ resurrectione suscitabit. Post hunc tertius illuditur, & linguam postulatus citò protulit, & manus constanter extendit: & cū fiducia ait: E cælo ista possideo, sed propter Dei leges nunc hæc ipsa despicio, quoniam ab ipso me ea recepturum spero: ita ut rex cum suis miraretur adolescentis animum, quod usque adeo nihili duceret cruciatus. Quo defuncto quartus eadem sauitia torquebatur, mortiq; iam proximus: Potius, inqt, est ab hominib; morti datos spem exspectare à Deo, iterum resuscitandos: tibi enim resurrectio ad vitā non erit. Quintus porro cū ijsdē supplicijs mactaretur, respiciens in eū ait: Protestatem inter homines habens cū sis corruptibilis, facis q; vis: noli autem putare genus nostrum à Deo esse derelictum; cuius potentiam propediem intueberis, cum te, & semen tuum leuerus vltor exagitabit. Post hunc sextus inter cruciatus mori incipiens: Noli, inquit, frustra errare: nos enim ppter nosmetipos hæc patimur peccates in Deum noltrū, & digna admiratione facta sunt in nobis: tu autē ne existimes te impune laturū, q; cōtra Deum pugnare tentaueris. Supra modū autem mater mirabilis & bonorum memoria digna, quę pereuntes

Z 3 septem

Septem filios sub vnius diei tempore conspi-  
ciens, bono animo ferebat, ppter spem, quam  
in Deum habebat, singulos illorum hortaba-  
tur voce patria fortiter, repleta sapientia: &  
femineæ cogitationi masculinum animum in-  
serens, dixit ad eos: Ne scio qualiter in vtero  
meo apparuistis: neq; enim ego spiritum &  
animam donavi vobis & vitam: & singulorum  
membra non ego ipsa compegi. Sed enim  
mundi Creator, qui formauit hominis nativi-  
tatem, quique omnium inuenit originem, &  
spiritum vobis iterum cum misericordia red-  
det & vitam, sicut nunc vos meti ipsos despiciis  
propter leges eius. Antiochus autem cōtemni-  
se arbitratus, simul & exprobrantis voce de-  
specta, cum adhuc adolescentior superesset,  
non solum verbis hortabatur, sed & iureiu-  
rando assueverabat, eum se diuitem & beatum  
facturum, translatumq; à patrijs legibus ami-  
cum habiturum, & res necessarias ei præbitu-  
rum. Sed ad hæc cum adolescenti nequaquam  
inclinaretur, vocavit Rex matrem suadens, vt  
adolescenti fieret in salutem. Cum autem mul-  
tis eam verbis esset hortatus, promisit sua-  
ram se filio suo. Itaq; inclinata ad illum, irri-  
dens crudelem tyrannum, ait patria voce, Fili-  
mi, miserere mei, quæ te in vtero nouem men-  
sibus portaui, & lac triennio dedi, & alui, & in  
ætatem istam perduxī. Peto nate, vt aſpicias  
ad cælum & terram, & ad omnia, quæ in eis  
sunt; & intelligas quia ex nihilo fecit illa  
Deus,

Deus, & hominum genus: ita fiet, vt nō timeas carnificem istum, sed dignus fratribus tuis effectus, particeps suscipe mortem, vt in illa miseratione cum fratribus tuis te recipiam. Hæc illa adhuc dicente, ait adolescens fortissimus: Quem exspectatis? non obedio præcepto regis sed præcepto legis, quæ data est nobis per Moysen. Tu vero qui inuentor omnis malitia factus es in Hebræos, non effugies manum Dei. Nos enim pro peccatis nostris hæc patimur. Et si nobis propter increpationem & correptionem Dominus Deus noster modicum iratus est; sed iterum reconciliabatur seruus suis. Tu autem o sceloste & omnium hominum flagitosissime, noli frustra vana spe efferri in seruos eius inflammatus, Nōdum enim omnipotens Dei & omnia insipientis iudicium effugisti. Nam fratres mei modico nunc doloret tolerato, sub testamento æternæ vite effecti sunt: Tu verò iudicio Dei, iustas superbiae tuæ penas exolues. Ego autem sicut & fratres mei animam & corpus meum trado pro patrijs legibus, inuocans Deum maturius genti nostræ propitium fieri, teq; cum tormentis & verbribus confiteri, quod ipse est Deus solus. In me verò & in fratribus meis desinet omnipotentis ira, quæ super omne genus nostrum iuste superducta est. Tunc rex accessus ira, in hunc super omnes crudelius desequitur, indignè ferens se derisum. Et hic itaq; mundus obijt, per omnia in Domino cōfidens. Nouissimè autē post filios & mater consumpta est. Z 3 M A R<sup>o</sup>